

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

02. Allaffeqarfimmiit oqaasiinnartigut paasissutissiissutit

Imm. 2.1 Allaffeqarfimmiit oqaasiinnartigut paasissutissiissutit

03. Aningaasaqarnermut tunngasut

Imm. 3.1 2025-mut ilassutitut aningaasaliisoqarnissaanut qinnuteqaat

Imm. 3.2 Qeqqata Kommuniani Atugarissaarnermi immikkoortortaqarfimmi 2026-imi akigititassatut siunnersuutit.

Imm. 3.3 Sisimiuni Ilaqutariinnut kiffartuussivimmi, Tarnip pissusaanik ilisimasalimmut atorfiup, sulianut ataqatigiissaarisumut allanngornissaanut qinnuteqaat.

Imm. 3.4 Maniitsumi Ilaqutariinnut Inerisaavimmi, Isumaginninnermut siunnersortitut atorfiup, sulianut ataqatigiissaarisumut allanngornissaanut qinnuteqaat.

04. Suliassat nalignnaasut

Soqanngilaq.

05. Sulisoqarnermut tunngasut

Soqanngilaq.

06. Paasissutissiissutit

Soqanngilaq.

08. Tamalaat

Imm. 8.1 Tamalaat

Ataatsimiinneq aallartippoq nal. 13:00

Peqataasut:

Siumut

Hans Frederik Olsen, Siulittaasoq, Sisimiut
Barnabas Larsen, Kangaamiut

Inuit Ataqatigiit

Nivi Heilmann Efraimsen, Siulittaasup tullia, Sisimiut, Nuummiit nal. 13:18 imm. 3.2
aallartinnerani peqataalerpoq.

Naleraq

Steffen Johansen, Sisimiut

Demokraatit

Rachel Ingemann, Sisimiut, Maniitsumiit peqataavoq

Nalunaaruteqarlutik peqataannngitsut:

Nalunaaruteqaratik peqataannngitsut

Imm. 01 Oqaluuserisassat akuersissutigineri

Aalajangiineq

Akuersissutigineqarpoq.

02. Allaffeqarfimmiit oqaasiinnartigut paasissutissiissutit

Imm. 2.1 Allaffeqarfimmiit oqaasiinnartigut paasissutissiissutit

1. Pikkorissarnerit/ilinniarnarit

Meeqqanut inuusuttuaqqanullu sullissisuni aammalu Utoqqarnut inuit innarluutilinnut sulisunut fagchefiusut ilisimatitsipput. Stabschef sulisoqarniarnikkut inissisimaneq pillugu paasissutissiivoq.

03. Aningaasaqarnermut tunngasut

Imm. 3.1 2025-mut ilassutitut aningaasaliisoqarnissaanut qinnuteqaat

Journalnr. 06.02.01

Tunuliaqutaq

Qullersaniit peqqusisoqarneratigut 2025-p sinneranut immikkoortut ingerlatsinermut missingersuutissanut immikkut siunnersuusioqquneqarput tamannalu missingersuutininik naqqaniit ingerlatsinikkut pivoq, tassa missingersuusiorneq immikkoortortani missingersuutininut akisussaasunit aallartinneqarluni, tamatumalu kingorna katersorneqassapput tullianilu aqutsisunit suliarineqarlutik.

Aningaasaqarnikkut atuinerup sukumiisumik misissuiffigeqqissaarneqarnera 2025-llu sinneranut ingerlatsinermut missingersuutit iluarsineqarnissaannik pisariaqartitsineq fagchefit kiisalu stabschefit immikkoortortaannit suliarineqarput.

Matumuuna qinnutigineqarput:

- Meeqqanut Ilaqutariinnullu immikkoortumut ilassutitut aningaasaliissutit
- Utoqqarnut Inunnnullu Innarluutilinnut immikkoortumut ilassutitut aningaasaliissutit
- Pisortaanerup sulisuisa Ikorsiisarnermut immikkoortortaani missingersuutininik nuussineq

Missingersuutissatut siunnersuutit ataatsimoortut tamatuma kingorna Aningaasaqarnermut ataatsimiititaliamut Kommunalbestyrelsimullu Qullersanit inaarutaasumik akuersissutigisassanngorlugit nassiunneqassapput. Siunnersuutit pineqartut eqitsimmi tullinnguuttumi takuneqarsinnaapput.

Maleruagassatut tunngavigisat

Kommunit Namminersorlutillu Oqartussat missingersuutaat naatsorsuu taallu pillugit Inatsisartut Inatsisaat nr. 26, 28. november 2016-imeersoq.

Qeqqata Kommunianut karseqarnermut naatsorsuuserinermullu malittarisassat

Pissutsit atuuttut

Atugarissaarnermut immikkoortoq namminneq missingersuutitaqartunik 40-nik immikkoortortaqqarfeqarpoq immikkoortortanilu aqutsisut tamarmik missingersuutit suliaaraat kingornalu qaninnertut qullersaminnut ingerlateqqillugit. Suliap ingerlannerani controllerit ikiuuttarput.

2025-mut missingersuutininut ilassutitut aningaasaliissuteqartoqarnissaanik pisariaqartitsineq oqaaseqaateqarfigineqarpoq, taannalu takussutissiaq 1-imi takuneqarsinnaavoq.

Takussutissiaq 1. 2025-mi oktobarip naaneranut missingersuutit killiffiat.

Level1	ÅTD Forrige År	ÅTD Sidste År	ÅTD i År	Forbrug s %	Relativt Forbrugs %	OPR Budget	OMP	TB	Nyt Budget	Rest Budget	Prognose for Året	Prognose for Årets Merforbrug	Mt: Overforbrug	Mt: +/- samme periode sidste år
☐ Velfærdsudvalg	315.163.456	328.560.061	339.742.463	86,77 %	104,12 %	391.554.000	0		391.554.000	51.811.537	407.690.956	16.136.956	13.447.463	11.182.402
☐ Ældre og Handikap	198.441.563	213.636.011	214.618.208	85,15 %	102,18 %	252.043.000			252.043.000	37.424.792	257.541.850	5.498.850	4.582.375	982.197
☐ Børn og Familie	74.571.726	73.319.585	85.234.625	94,98 %	113,98 %	89.845.000	-110.000		89.735.000	4.500.375	102.281.550	12.546.550	10.455.458	11.915.040
☐ Staben	42.150.166	41.604.465	39.889.630	80,14 %	95,17 %	49.666.000	110.000		49.776.000	9.886.370	47.867.556	-1.908.444	-1.590.370	-1.714.835
Total	315.163.456	328.560.061	339.742.463	86,77 %	104,12 %	391.554.000	0		391.554.000	51.811.537	407.690.956	16.136.956	13.447.463	11.182.402

**Atugarissaarnermut Ataatsimiititaliap novemberimip 11-ani 2025-imi ileqqusumik
ataatsimiinnera 06/2025 – Imaqarniliaq**

Takussutissiaq 1 naapertorlugu oqaatigineqarsinnaavoq, atuivallaarnerup ataatsimut missiliunneqarneri 16.136.956 koruuniusut.

Meeqqanut Ilaqutariinnullu immikkoortumi atuivallaarnissamik naatsorsuutigisaaq annerusumik ulloq unnuarlu paaqqinnittarfinni paaqqutarinninnermilu akissarsianut akiliutitut aningaasartuutitut tunngassuteqarput. Sukumiisumik nassuiaatigineqarneri ilanngussaaq 1-imi takuneqarsinnaapput

Utoqqarnut Inunnnullu Innarluutilinnut immikkoortumi atuivallaarnissamik naatsorsuutigisaaq annerusumik utoqqalinersianut kiisalu ulloq unnuarlu paaqqinnittarfinni akiliutitut aningaasartuutitut tunngassuteqarput. Sukumiisumik nassuiaatigineqarneri ilanngussaaq 2-imi takuneqarsinnaapput

Takussutissiaq 2 – 2025-p sinneranut meeqqanut ilaqutariinnullu immikkoortumi kiisalu utoqqarnut inunnnullu innarluutilinnut immikkoortumi ilassutitut aningaasaliissutissatut qinnuteqaatit.

Immikkoortortaq	Missingersuutaqqaartut 2025	Illassutitut aningaasaliinissamut qinnuteqaat	2025-mut missingersuutit nutaat Kr.
Meeqqat Ilaqutariillu	89.845.000	11546.550	101281.550
Utoqqaat inuillu innarluutillit	252043.000	4498.850	263589.550
	341888.000	16045.400	364871.100

Atuiffiit agguataarneqarneri ilanngussaaq 1-imi takuneqarsinnaapput.

Takussutissiaq 3 – Missingersuutit nuussinissamut qinnuteqaat - Pisortaanerup sulisui

Immikkoort ortap normua	Siunertamut kode	Artkonto	Sumiif-finnut ilisarnaat	Missinger Suutaqqaartut 2025	Illassutitut aningaasaliinissamut qinnuteqaat	2025-mut missinger-suutit nutaat
551050000	0502015201	113100100	010580	4.128.000	800.000	4.928.000
551020202	0501035100	122010303	010580	41.000	100.000	141.000
551020202	0501035100	122100200	010580	0	100.000	100.000
552050000	0502015202	113100100	010570	1.515.000	200.000	1.715.000
552020202	0501035100	122010303	010570	41.000	150.000	191.000
551010000	1601010000	122010102	010580	10.679.000	-800.000	9.879.000
551010000	1601010000	122010102	010580	9.879.000	-200.000	9.679.000
551010000	1601010000	122010102	010580	9.679.000	-200.000	9.479.000
551010000	1601010000	122010102	010580	9.479.000	-150.000	9.329.000
				45.441.000	0	45.441.000

Aningaasaqarnikkut allaffissornikkullu kingunerisinnaasai

Immikkoortortaqarfinni ikiorsiinernut tunngasut inatsisitigut pisussaaffiupput, immikkoortortaqarfiillu akimorlugit inatsisitigut allannguisoqarpoq, inunnut innarluutilinnut, utoqqarnut kiisalu meeqqat ilaqutariinnullu Inatsisartut inatsisaanni ikiorsiissutitut tunngasut kiisalu ikiorsiisarnermut immikkoortortami.

Allaffeqarfiup naliliinera

Allaffeqarfimmiit naliliineq naapertorlugu naqqaniit missingersuutiniq ingerlatsineq pitsaasuvoq, tassami immikkoortortaqarfinni suliarineqaqqaarlugit taakkulu qullersaannut ingerlateqqinneqarlutik, matumanimi immikkoortortaqarfiit ingerlatsinikkut aningaasaliissutaatitik ilisimaarigamikkit kiisalu inatsisitigut kommunip innuttaasunut pisussaaffiat ilisimaarlugu. Allaffeqarfimmiit naliliineq naapertorluguttaaq inatsit Atugarissaarnermut immikkoortumut tamarmut atuuttoq malissallugu kommuni pisussaaffeqarpoq.

Missingiutaannaammata allaffeqarfimmit innersuussutigineqarpoq ilassutitut aningaasaliissutiniq 14 mio. koruuninik qinnuteqartoqassasoq.

Innersuussut

Atugarissaarnermut ataatsimiititaliamut akuereqqullugu innersuussutigineqarpoq:

1. 2025-mut ilassutitut aningaasaliissutit 14.000.000 koruunit ima agguataarneqarlutik una naapertorlugu:
 - Ilanngussaq 1 Meeqqanut Ilaqutariinnullu immikkoortumut tunngasoq
 - Ilanngussaq 2 Utoqqarnut Inunnullu Innarluutilinnut tunngasoq
 - pisortaanerup sulisuinut takussutissiaq 3
2. Suliaq Aningaasaqarnermut Ataatsimiititaliamut aamma Kommunalbestyrelsimut ingerlateqqinneqassasoq

Aalajangiineq

Innersuussut akuersissutigineqarpoq suliarlu Aningaasaqarnermut Ataatsimiititaliamut aamma Kommunalbestyrelsimut ingerlateqqinneqassaaq.

Ilanngussat

1. Meeqqanut Ilaqutariinnullu immikkoortortaq
2. Utoqqarnut Inunnullu Innarluutilinnut immikkoortortaq
3. Immikkoortortaqarfiit missingersuutininut oqaaseqaataat.

Imm. 3.2 Qeqqata Kommuniani Atugarissaarnermi immikkoortorta qarfimmi 2026-imi akigititassatut siunnersuutit.

Journalnr. 06.01.01

Tunuliaqutaq

Qeqqata Kommuniani Atugarissaarnermut immikkoortorta qarfik Atugarissaarnermut ataatsimiititaliamut eqqartugassanngorlugit akuerisassanngorlugillu ukiut tamaasa isumaginnermut tunngasuni akigititanut siunnersuutinik saqqummiisartussaavoq.

Tamatuma kingorna suliamik saqqummiussa inaarutaasumik akuerisassanngorlugu Aningaasaqarnermut ataatsimiititaliamut Kommunalbestyrelsimullu ingerlaqqittussaavoq.

Maleruagassatigut tunngavigisat

Qeqqata Kommunianut karseqarnermut naatsorsuutinullu malittarisassani immikkoortoq

2.1 Kommunalbestyrelsi Kommunip susassa qarfi Kommunalbestyrelsip aqutarivai, kommunillu aqunneqarnissaanut, matumani borgmesterip susassa qarfi ilanngullugit maleruagassat ersarinnerusut aqutsinermi malittarisassatigut aalajangertarlugit.

Utoqqarnik paaqqinniffiit pillugit Inatsisartut peqqussutaat nr. 11 30. oktober 1998-meersumi § 5.

§ 5. Kommunini utoqqarnik paaqqinniffinni inissat pisariaqartinneqartutut amerlassusillit pigineqarnissaat kommunalbestyrelsip qulakkiissavaa.

Imm. 3 Utoqqarnik paaqqinniffiit sammisassa qarfitsinermillu neqeroorutit kommunimit pilersinneqarlutillu ingerlanneqassapput.

Utoqqalinersiaqarneq pillugu Inatsisartut inatsisaat Nr. 77, 23. december 2021-meersumi §4:

Utoqqalinersiaqartoq nammineq isertitaqarpat isumaginninnermi ulloq unnuarlu anerlarsimaffimmiinnermut tamakkiisumik ilaannaasumilluunniit akiliisitsisoqassaaq. Akiliutissaq akileraaruteqareernermi utoqqalinersiat saniatigut nammineq isertitaasa 60 procentianit annertunerusinnaangilaq.

Imm. 2. Aningaasaasartuutitut utoqqalinersiuteqartup isumaginninnermi ulloq unnuarlu angerlarsimaffimmiinneranut toqqaannartumik attuumassuteqartunut taamaallaat akiliisitsisoqarsinaavoq.

Inuit innarluutillit tapersersorneqarnissaannut Inatsisartut inatsisaat nr. 13 12. juuni 2019-meersumi Najugaqatigiiffiit aamma najuga qarfiit illersugaasut §14.

Inunnut innarluutilinnut najuga qarfinnik illersugaasunik kommunalbestyrelse pilersitsisinnaavoq, ingerlatsisinnaavoq matusisinnaallunilu. Najuga qarfik illersugaasoq ulloq unnuarlu tamaat tapersersuinissamik najugaqartunut neqerooruteqassaaq.

Pissutsit atuuttut

Inuit innarluuteqartut najuga qarfiini najugaqarnermi nammineq akiliut

2025-imi akigititanut qaffasoqarnikummat 2026-imut qaffaanissamik pisariaqartitsisoqanngilaq.

Utoqqaat angerlarsimaffiini najugaqarnermut akigititaq

Sisimiuni, Maniitsumi aamma Kangaamiuni utoqqaat angerlarsimaffiini aningaasartuutitut aamma najugaqartut amerlassusaat naapertorlugit 2026-imut akigititanut siunnersuutit suliarineqarput.

Akigititat ator neqarput innuttaasoq Kalaallit Nunaani imaluunniit Qallunaat Nunaanni utoqqaat inissiaannut innersuussisoqartillugu ator neqartartut tunngavigalugit. Taamaattut

innersuussisoqartillugu inatsit malillugu akigititaq tamakkiisoq atorpeqartarpoq. Qupanummi najugaqarneq naatsersorneqarpoq ukiumut missingersuutit kr. 30.787.000-it agguarlugu 42-imik (inissaritinneqartut), agguaqqillugu 365= kr. 2.008/døgn-imut. Neriusaami najugaqarneq naatsersorneqarpoq ukiumut missingersuutit kr. 31.223.000 agguarlugu 43-imik (inissaritinneqartut) agguaqqillugu 365 = kr. 1.989/døgn-imut. Kangaamiuni najugaqarneq naatsersorneqarpoq ukiumut missingersuutit kr. 4.021.000 agguarlugu 5-imik (inissaritinneqartut), agguaqqillugu 365 = kr. 2.203/døgn.

Utoqqaat angerlarsimaffiini najugaqarnermi nammineq akiliutissap naatsersorneranut tunngaviusut
Akiliinissap annertussusissaa najugaqartup utoqqalinersiami saniatigut isertitaasa akileraarut peereerlugu 50%-ianik akiliuteqartarnissaa siunnersuutigineqarpoq. Utoqqaat angerlarsimaffianut aningaasartuutit akigitaasup 20%-imik akiliisoqartassaaq.

Siusinaartumik pensionisialinnut utoqqalinersialinnullu aningaasat qaammammum atugassat
Atugarissaarnermut Immikkoortortaqarfiup siunnersuutigissavaa, sinaartumik pensionisialinnut utoqqalinersialinnullu aningaasat qaammammum atugassat 2,34 % qaffanneqassasut kisimiittumut kr. 5.117 aappariinnullu kr. 8.187, 2025-imi Namminersorlutik Oqartussaniik akinut nalimmassanermut indeks-ia tunngavigalugit.

Siusinaartumik pensionisialinnut utoqqalinersialinnullu qaammammum aningaasat atorpeqarsinnaasut 2,34%-imik qaaffaanermi konto-nut inummut tapeq siusinaartunik pensionisialinnut utoqqalinersialinnullu aningaasatigut kingunissai					
Siusinaartumik pensionisialinnut utoqqalinersialinnullu qaammammum aningaasat atorpeqarsinnaasut 3,6%-imik qaaffaanermi konto-nut inummut tapeq siusinaartunik pensionisialinnut utoqqalinersialinnullu aningaasatigut kingunissai	Utoqqalini-arsiap suussusaa	2025-imi atuinissamut naatsersuut	Aningaasat atorpeqarsinnaasut qaaffaassutaat	2026-imi atuinissamut naatsersuut	2026-imi qaaffaanermi aningaasatigut kingunissai
Sisimiut	Siusinaatumik pensionit	1.200.000	2,34%	1.228.080	28.080
	Utoqqalinersiat	1.000.000	2,34%	1.023.400	23.400
Maniitsoq	Siusinaatumik pensionit	500.000	2,34%	511.700	11.700
	Utoqqalinersiat	600.000	2,34%	614.040	14.040
Qeqqata katillugu		3.300.000	2,34%	3.377.220	77.220

2026-imut missingersuutit akuerineqarpata aningaasat kr. 77.220 missingersuutitut ikkunneqassapput.

Nerisassanik pajuttuineq

Utoqqarnut angerlarsimaffiminni najugaqartunut nerisassanik pajuttarnermut siunnersuutigineqarpoq, nerisassanut ataatsinut aki 44,00 koruunimut.

**Atugarissaarnermut Ataatsimiititaliap novemberimip 11-ani 2025-imi ileqquusumik
ataatsimiinnera 06/2025 – *Imaqarniliaq***

Ullukkut ornittakkamik atuisunut nerisaqarnermut akiliutit

Atugarissaanerup immikkoortortap nerisassanut kissartunut akissaa 44,00 koruunit innersuussutigivaa, taanna malitsigisaanik utoqqalinersiaannit ilanngaatigineqarsinnaavoq.

Qasuersaartunut nerisaqartitsinermi aki

Najugaqartut taakku qasuersaartinneqarnerminni tamakkiisumik pensionisiaqartarmata siunnersuutigineqarpoq, ulloq unnuarluk 75,00 koruuninik ulluni taakkunani nerisaqarnermi akiliuteqartassasut, taanna malitsigisaanik utoqqalinersiaannit ilanngaatigineqarsinnaavoq.

Aningaasaqarniarnikkut allaffissornikkullu kingunerisinnaasat

Aningaasat innersuussutigineqartut pillugit takussutissaq:

Inuit innarluuteqartunut ineqartitsinermut akigititat

Ineqarnermut – kiassarnermut – innaallagiamut – imermut akiliutit (qaammammumut)	Kr. 2.808,00
Nerisaqarnermut akiliut (qaammammumut)	Kr. 1.960,00
Katillugit (qaammammumut)	Kr. 4.768,00

Utoqqaat anglerlarsimaffiini najugaqarnermut akigititat

Sisimiuni Qupanuk najugaqarneq (døgn-imut)	Kr. 2.008
Maniitsumi Neriusaaq najugaqarneq døgn-imut)	Kr. 1.989
Kangaamiuni utoqqaat illuat (døgn-imut)	Kr. 2.203

Utoqqaat anglerlarsimaffiini najugaqarnermi nammineq akiliutissap naatsersorneranut tunngaviusut

Utoqqalinersiap saniatigut isertitarisap akileraarut peereerlugu akiliinissaq ima annertussuseqassaaq (procenti annerpaamik 60%-iuisinnaavoq)	50%
Akigititamut ilaasumut utoqqaat illuanut aningaasartuutitut akileeqataassutissaq akiliisitsiniaassutigineqartussaq (procenti; annerpaamik 100%)	20%

Siuseriaartumik pensionisialinnut utoqqalinersialinnullu kisimiittunut aningaasat qaammammumut atugassat

Aningaasat qaammammumut atugassat – kisimiittumut (qaammammumut)	Kr. 5.180
Aningaasat qaammammumut atugassat – aappariinnut (qaammammumut)	Kr. 8.288

Nerisassanik pajunneq nerinermullu akigititat

Utoqqalinersialinnut nerisassanik pajunnermi akigitinneqartoq, (Ataasiarluni nerineq)	Kr. 44,00
Ornittakkami atuisunut kissartunik nerinermut nerinermi akiliut, utoqqalinersianit ilanngaat	Kr. 44,00
Qasuersaartineqartunut ulloq unnuarluk nerinermut akiliut ullormut, utoqqalinersianit ilanngaat	Kr. 75,00

Allaffeqarfiup naliliinera

Atugarissaarnermut immikkoortortaqarfiup nalilerpaa, akigititassatut innersuussat naatssersuilluareerluni ukiumi 2026-mi missingersuusiorfiusumi atuutissasut.

Innersuussut

Atugarissaarnermut immikkoortortaqarfiup Atugarissaarnermut ataatsimiititaliamut innersuussutigaa:

1. Inuit innarluuteqartunut ineqartitsinermut akigititat akuereqqullugit
2. Utoqqaat angerlarsimaffiini najugaqarnermut akigititat akuereqqullugit
3. Utoqqaat angerlarsimaffiini najugaqarnermi nammineq akiliutissap naatsersorneranut tunngaviusut
4. Siusinaartumik pensionisialinnut utoqqalinersialinnullu kisimiittunut aningaasat qaammammut atugassat akuereqqullugit
5. Nerisassanik pajunneq nerinermullu akigititat akuereqqullugit
6. Suliaq Aningaasaqarnermut Ataatsimiititaliamut Kommunalbestyrelsimullu akuersissutigisassanngorlugu saqqummiunneqassasoq.

Aalajangiineq

Innersuussut 1, 2, 3, 5, 6, akuersissutigineqarput, innersuussummi 4, kisimiittumut kr. 5.500,- aappariinnut kr. 8.750,- annertussuseqassasut aalajagiunneqarpoq suliarlu Aningaasaqarnermut Ataatsimiititaliamut aamma Kommunalbestyrelsimut ingerlateqqinneqassaaq.

Ilanngussaq

1. Qeqqata Kommunian 2026-imut utoqqaat angerlarsimaffiini najugaqarnermut akigititamut naatssersuineq
2. Qeqqata Kommuniani Atugarissaarnermi immikkoortortaqarfimmi 2024-imi akigititat

Imm. 3.3 Sisimiuni Ilaqutariinnut kiffartuussivimmi, Tarnip pissusaanik ilisimasalimmut atorfiup, sulianut ataqatigiissaarisumut allanngornissaanut qinnuteqaat.

Journalnr. 03.00.07

Tunuliaqutaq

Sisimiuni Ilaqutariinnut kiffartuussivimmi atorfiit tarnip pissusaanik ilisimasalinnut marluusut, ukiumi maanna ataasinngulersumi inuttaqanngillat, naak allagarsiunneqartaraluarluni.

Ukiuni kingullerni sisamanngulersuni, suliniut “Meeqqat Illuat” Maniitsumi Ilaqutariinnut Inerisaavimmi ineriartortinneqarpoq. Taassumalu suliniutip suleriesertaa Sisimiunut aamma atuutilersinneqarnissaanut, maanna suliaq ingerlaleruttorluni.

Suliniutip siunertaraa meeqqat inuusuttuaqqallu, kinguaassiutitigut killissamik qaangiiffigitissimasut, timikkut tarnikkullu persuttarneqarsimasut sullikkasuarnissaat, tassani suliaasaqarfiit assigiinngitsut illumi ataatsimi suleqatigiinnerisigut.

Ilaqutariinnut Inerisaavimmi isumaginninnermut siunnersortitut atorfik atorluarumallugu maanna atorfiup taaguttaata allanngornissaanik Atugarissaarnermut Immikkoortortamit aqutsisoqatigiinnit isumaqatigiissutigineqarluni eqqartorneqarpoq, tassani siunertaavoq piginnaasat suliaasaqarfiillu innuttaasunut pitsaanerusumik ingerlanneqarnissaat, ilaatigut “Meeqqat Illuata” ingerlaannarnissaanut aqutissamik ammaassisuussammat.

Maleruagassatigut tunngavissaq

Kommunit aqunneqarnera pillugu Inatsisartut inatsisaat nr. 29, 17. november 2017-imeersumi § 25, imm.1 nr. 2 malillugu Aningaasaqarnermut ataatsimiititaliaq suliaasai ilaatigut tassaapput: “Akissarsianut sulisoqarnermullu tunngasuni suliaasanik tamakkiisumik isumaginninneq..”

Pissutsit atuuttut

Suliniut “Meeqqat Illuat” tassaavoq sulerieseq meeqqanut inuusuttuaqqanullu, kinguaassiutitigut killissamik qaangiiffigitissimasunut, timikkut tarnikkullu persuttarneqarsimasunut suligasuarfik. Tassani inersimasut susassaqaarfinni assigiinngitsuninngaanneersut suleqatigiittarput, meeqqat imaannaanngitsumik aqquusaagaqarneranni toqqissisimanartumik, aammalu avatangiisini meeqqanut tulluarsakkani sullinneqarfiusumi tapersersuissallutik.

Meeqqat illuanni sususasaqartut makku peqataasarput: Politi, video atorlugu killisiuinnermi ingerlatsisut, Meeqqanut Ilaqutariinnullu immikkoortortami sullissisut, tarnip pissusaanik ilisimasallit kiisalu meeqqat illuanni ataqatigiissaarisut.

Tassani susasaqartut ataatsimiittarput sagsamrød-imik taasamik, isumaqatigiissutigineqartarluni suliaq qanoq ikioqatigiiffiginissaa.

Ilaqutariinnut kiffartuussivimmi Tarnip pissusaanik ilisimasallip naliginnaasumik suliasaqarfigisarpai, katsorsaaniissamut pilersaarusiornerit, meeqqanut ilaqutariinnullu katsorsaanerit kiisalu innersuussutit nallersuinerit.

Atorfiup ataqatigiissaarisumut allanngortinnerini makku suliassa qarfiussapput:

- Meeqqanut ilaqutariinnullu immikkooortortamiit innersuussutit, tigooqqarneri, nalilersorneri ataqatigiissaarnerilu
- Ammasumik siunnersuineri peqataaneq
- Meeqqat Illuanut innersuussutit ataqatigiissaarinet aggersaanerlu
- Politiit killisiuinissaanut ataqatigiissaarinet
- Sagssamr  d-inut ataqatigiissaarinet, aqutsinet imaqarniliornerlu
- Video atorlugu politiit killisiuineranut peqataaneq
- Video atorlugu killisiuineranut imaqarniliorneq
- Suliata Meeqqat Illuanni suliaasut pillugit sullissisunut innersuusioreneq katsorsaasut peqatigalugit
- Sulianut naliginnaasunut peqataaneq

Taamaasilluni atorfiup allanngortinneqarnerani “Meeqqat illuata” suliassa qarfiisa ingerlaannarnissaat qulakkeerneqassalluni.

Aningaasaqarnikkut allaffissornikkullu kingunerisinnaasai

Ilaqutariinnut kiffartuussivimmi ataqatigiissaarisup akissaasorsorneqarnera ima isikkoqassaaq: Naalakkersuisut Atorfillit Kattuffiatu, Isumaginninnermut Siunnersortinut isumaqatigiissutaani §4 stk. 3 atorneqassaaq.

Ilaqutariinnut Inerisaavimmut missingersuutit

Atuiffik					
Atuiffiit	Atuiffiup taaguutaa	Missing	Atuineq	Sinneri	Atuineq %
551020201 122010102 0501015190 010580	Qaammammut akissarsiat kingumoortut	Kr. 3.814.586,00	Kr. 3.506.790,00	Kr. 307.796,00	91,93 %

Ilaqutariinnut kiffartuussivimmi, akissarsiatigut atuinerulersitsissanngilaq, atorfik pioreersoq atorneqarmat.

Atuilluartuunissakkut kingunerisinnaasai

Isumaginninnermut siunnersortitut atorfiup sulianut ataqatigiissaarisutut allanngortinneqarnissaa atuilluartuuneruvoq, tassami meeqqanut sakkortuumik aqusaagaqartunut, kiisalu ilaqutariinnut innersuunneqartunut sullissinerup, ataqatigiissagaalluartumik ingerlanneqalernerani sullissinerup pitsaassusaata qaffanneqarnerani kinguneqassammat.

Allaffeqarfiup naliliinera

Atugarissaarnermut immikkooortortamiit nalilernerqarpoq, tarnip pissusaanik ilisimasalimmut atorfiup aappaa Ilaqutariinnut kiffartuussivimmi Sisimiuniittoq, allanngortinneqassasoq sulianut ataqatigiissaarisunngorlugu, tassani ilanngullugu suliassa qarfinnut ilanngunneqassasoq Meeqqat Illuata suliniutip siunertaanik suliassa qarfeqarneq, ataqatigiissaarinerlu.

Innersuussut

Atugarissaarnermut ataatsimiititaliamut akuereqqullugu saqqummiunneqarpoq:

1. Atorfiup taaguutaata Tarnip pissusaanik ilisimasalimmiit, sulianut ataqatigiissarisumut allanngortinneqarnissaa

Aalajangiineq

Innersuussut akuersissutigineqarpoq suliarlu Aningaasaqarnermut Ataatsimiititaliamut aamma Kommunalbestyrelsimut ingerlateqqinneqassaaq.

Ilanngussaq

1. Ataqatigiissarisutut atorfiup suliassa qarfiisa allaaserineqarnera.

Imm. 3.4 Maniitsumi Ilaqutariinnut Inerisaavimmi, Isumaginninnermut siunnersortitut atorfiup, sulianut ataqatigiissaarisumut allanngornissaanut qinnuteqaat.

Journalnr. 03.00.07

Tunuliaqutaq

Maniitsumi Ilaqutariinnut Inerisaavimmi, atorfik isumaginninnermut siunnersorti ukiumi maanna ataasinngulersumi inuttaqanngilaq, naak allagarsiunneqartaraluarluni.

Ukiuni kingullerni sisamanngulersuni, suliniut “Meeqqat Illuat” Maniitsumi Ilaqutariinnut Inerisaavimmi ineriartortinneqarpoq.

Suliniut Qallunaat Nunaanni Naalagaaffimmiik aningaasaliiffigineqarluni, ukiuni sisamani ingerlareerluni 2025 naanerani aningaasaliissutit unissapput. Ullumikkut sullissisoq ataaseq sulisorineqarpoq.

Suliniutip siunertaraa meeqqat inuusuttuaqqallu, kinguaassiutitigut killissamik qaangiiffigitissimasut, timikkut tarnikkullu persuttarneqarsimasut sullikkasuarnissaat, tassani suliaasaqarfiit assigiinngitsut illumi ataatsimi suleqatigiinnerisigut.

Ilaqutariinnut Inerisaavimmi isumaginninnermut siunnersortitut atorfik atorluarumallugu maanna atorfiup taaguttaata allanngornissaanik Atugarissaarnermut Immikkoortortamit aqutsisoqatigiinnit isumaqatigiissutigineqarluni eqqartorneqarpoq, tassani siunertaavoq piginnaasat suliaasaqarfiillu innuttaasunut pitsaaneruseq ingerlanneqarnissaat, ilaatigut “Meeqqat Illuata” ingerlaannarnissaanut aqutissamik ammaassisuussammat.

Maleruagassatigut tunngavissaq

Kommunit aqunneqarnera pillugu Inatsisartut inatsisaat nr. 29, 17. november 2017-imeersumi § 25, imm.1 nr. 2 malillugu Aningaasaqanermut ataatsimiititaliaq suliaasai ilaatigut tassaapput: “Akissarsianut sulisoqarnermullu tunngasuni suliaasanik tamakkiisumik isumaginninneq..”

Pissutsit atuuttut

Suliniut “Meeqqat Illuat” tassaavoq suleriuseq meeqqanut inuusuttuaqqanullu, kinguaassiutitigut killissamik qaangiiffigitissimasunut, timikkut tarnikkullu persuttarneqarsimasunut suligasuarfik. Tassani inersimasut susassaqaqarfinni assigiinngitsuninngaanneersut suleqatigiittarput, meeqqat imaannaanngitsumik aqquusaagaqarneranni toqqissisimanartumik, aammalu avatangiisini meeqqanut tulluarsakkani sullinneqarfiusumi tapersersuissallutik.

Meeqqat illuanni sususasaqartut makku peqataasarput: Politi, video atorlugu killisiuinermi ingerlatsisut, Meeqqanut Ilaqutariinnullu immikkoortortami sullissisut, tarnip pissusaanik ilisimasallit kiisalu meeqqat illuanni ataqatigiissaarisut.

Tassani susassaqaqartut ataatsimiittarput sagssamrød-imik taasamik, isumaqatigiissutigineqartarluni suliaap qanoq ikioqatigiiffiginissaa.

Ilaqutariinnut Inerisaavimmi Isumaginninnermut Siunnersortip naliginnaasumik suliasaqarfigisarpai, innersuussutit Meeqqanut Ilaqutariinnermullu immikkoortortamit tigusimasat, nalilersorneri, ataqatigiissarneri ingerlateqqinnerilu.

Atorfiup ataqatigiissaarisumut allanngortinnerini makku suliaasaqarfiussapput:

- Meeqqanut ilaqutariinnullu immikkoortortamiit innersuussutit, tigooqqarneri, nalilersorneri ataqatigiissaarnerilu

- Ammasumik siunnersuinermi peqataaneq
- Meeqqat Illuanut innersuussutiniq ataqatigiissaarineq aggersaanerlu
- Politiit killisiuinissaanut ataqatigiissaarineq
- Sagssamrâd-inut ataqatigiissaarineq, aqutsineq imaqarniliorterlu
- Video atorlugu politiit killisiuineranut peqataaneq
- Video atorlugu killisiuineranut imaqarniliorterlu
- Suliât Meeqqat Illuanni suliaasut pillugit sullissisunut innersuusiorneq katsorsaasut peqatigalugit
- Sulianut naliginnaasunut peqataaneq

Taamaasilluni atorfiup allanngortinneqarnerani “Meeqqat illuata” suliassa qarfiisa ingerlaannarnissaat qulakkeerneqassalluni.

Aningaasaqarnikkut allaffissornikkullu kingunerisinnaasai

Ilaqutariinnut Inerisaavimmi ataqatigiissaarisup akissaasorsorneqarnera ima isikkoqassaaq: Naalakkersuisut Atorfillit Kattuffiatu, Isumaginninnermut Siunnersortinut isumaqatigiissutaani §4 stk. 3 atorneqassaaq.

Ilaqutariinnut Inerisaavimmut missingersuutit

Atuiffik					
Atuiffiit	Atuiffiup taaguutaa	Missing	Atuineq	Sinneri	Atuineq %
552020201 122010102 0501015190 010570	Qaammammut akissarsiat kingumoortut	Kr. 4.087.321,00	Kr. 2.933.727,00	Kr. 1.153.594,00	95,70 %

Ilaqutariinnut Inerisaavimmi, akissarsiatigut atuinerulersitsissanngilaq, atorfik pioreersoq atorneqarmat.

Atuilluartaunissakkut kingunerisinnaasai

Isumaginninnermut siunnersortitut atorfiup sulianut ataqatigiissaarisutut allanngortinneqarnissaa atuilluartauneruvoq, tassami meeqqanut sakkortuumik aqusaagaqartunut, kiisalu ilaqutariinnut innersuunneqartunut sullissinerup, ataqatigiissagaalluartaumik ingerlanneqalernerani sullissinerup pitsaassusaata qaffanneqarnerani kinguneqassammat.

Allaffeqarfiup naliliinera

Atugarissaarnermut immikkortortamit nalilernerqarpoq, isumaginninnermut siunnersortitut atorfik Ilaqutariinnut Inerisaavimmi Maniitsumiittumut, allanngortinneqassasoq sulianut ataqatigiissaarisunngorlugu, tassani ilanngullugu suliassa qarfinnut ilanngunneqassasoq Meeqqat Illuata suliniutip siunertaanik suliassa qarfeqarneq, ataqatigiissaarinerlu.

Innersuussut

Atugarissaarnermut ataatsimiititaliamut akuereqqullugu saqqummiunneqarpoq:

1. Atorfiup taaguutaata Isumaginninnermut siunnersortimiit, sulianut ataqatigiissaarisumut allanngortinneqarnissaa

Aalajangiineq

Innersuussut akuersissutigineqarpoq suliarlu Aningaasaqarnermut Ataatsimiititaliamut aamma Kommunalbestyrelsimut ingerlateqqinneqassaaq.

Ilanngussaq

1. Ataqatigiissaarisutut atorfiup suliassa qarfiisa allaaserineqarnera.

04. Suliassat nalinnaasut

Soqanngilaq.

05. Sulisoqarnermut tunngasut

Soqanngilaq.

06. Paasissutissiissutit

Soqanngilaq.

08. Tamalaat

Imm. 8.1 Tamalaat

Soqanngilaq.